

Stjórnarháttayfirlýsing Íslandsbanka fyrir árið 2015

Stjórnarháttayfirlýsing fyrir árið 2015

Stjórn Íslandsbanka hefur einsett sér að vera framúrskarandi í góðum stjórnarháttum og að stjórnarhættir bankans samræmist því regluverki sem bankanum starfar samkvæmt, alþjóðlega viðurkenndum viðmiðum og bestu framkvæmd á sviði stjórnarháttanna.

Stjórnarhættir Íslandsbanka eru í samræmi við viðurkenndar leiðbeiningar um stjórnarhætti eftirlitsskyldra aðila. Íslandsbanki starfar samkvæmt gildandi löggjöf um aðila sem eru undir eftirliti Fjármálaeftirlitsins (FME), ásamt reglum og tilmælum FME og reglum Nasdaq Iceland sem aðgengilegar eru á vefsíðum þeirra (www.fme.is og www.nasdaqomxnordic.com). Meðal þeirra laga sem um starfsemi bankans gilda eru lög um fjármálafyrirtæki nr. 161/2002, lög um verðbréfavíðskipti nr. 108/2007, samkeppnislög nr. 44/2005 og lög um hlutafélög nr. 2/1995 sem ásamt samþykktum bankans mynda grunninn að starfsemi hans. Löggjöfina er að finna á vefsíðu Alþingis (www.althingi.is).

Fyrirmyndarfyrirtæki í góðum stjórnarháttum

Bankinn er staðráðinn í að viðhalda góðum stjórnarháttum sem samræmast bestu framkvæmd á sviði stjórnarháttanna. Íslandsbanki hlaut fyrst viðurkenningu sem fyrirmyndarfyrirtæki í góðum stjórnarháttum í mars 2014 frá Rannsóknarmiðstöð um stjórnarhætti við Viðskiptafræðistofnun Háskóla Íslands. Viðurkenningin var veitt í kjölfar ítarlegrar skoðunar á starfsháttum stjórnar, undirnefndum stjórnar og stjórnenda bankans. Viðurkenningin var endurnýjuð í mars 2015.

Íslandsbanki hefur sett sér stefnu um góða stjórnarhætti, Ákvarðanatökulykil bankans, sem kortleggur allar meiriháttar ákvarðanir sem hugsanlegt væri að bankinn vilji grípa til við tiltekna aðstæður. Lykilinn er liður í að bæta ákvarðanatöku og auka þar með traust hagsmunaaðila til bankans. Ákvarðanatökulykillinn setur ákveðin skilyrði fyrir töku allra meiriháttar ákvarðana. Lykillinn setur það skilyrði að allar meiriháttar ákvarðanir skuli teknar á grundvelli bestu fánlegu upplýsinga á hverjum tíma og að fengnu álit þeirra aðila innan bankans sem eru til þess hæfastir.

Fylgni við leiðbeiningar um stjórnarhætti fyrirtækja

Samkvæmt 7. mgr. 54. gr. laga um fjármálafyrirtæki nr. 161/2002 ber bankanum að fylgja viðurkenndum leiðbeiningum um stjórnarhætti fyrirtækja. Stjórn bankans fylgir leiðbeiningum um stjórnarhætti fyrirtækja (5. útg.) sem gefnar eru út af Viðskiptaráði Íslands, Nasdaq Iceland og Samtökum atvinnulífsins. Leiðbeiningarnar eru aðgengilegar á www.leidbeiningar.is.

Stjórnarhættir bankans samræmast ákvæðum leiðbeininganna í öllum meginatriðum, að frátöldum tilteknum efnisatriðum sem fram koma í greinum 1.5, 2.9 og 5.1.2.

Grein 1.5 í leiðbeiningunum gerir ráð fyrir að hluthafafundur skuli skipa tilnefningarnefnd eða ákveða hvernig hún skuli skipuð. Hluthafar bankans, sem og stjórn hans, telja ekki ástæðu til að skipa slíka nefnd á þessum tíma vegna þess hvernig eignarhaldi bankans er hagað. Einn fulltrúi til stjórnarsetu er tilnefndur af minnihlutaeigandanum, Bankasýslu Ríkisins, og meirihlutaeigandinn, ISB Holding ehf., tilnefnir sex fulltrúa til stjórnarsetu.

Grein 2.9 í leiðbeiningunum gerir ráð fyrir að stjórn bankans setji siðareglur. Framkvæmdastjórn bankans samþykkti siðareglur fyrir bankann í janúar 2011 sem allir starfsmenn tóku þátt í að móta

Grein 5.1.2 í leiðbeiningunum gerir ráð fyrir birtingu starfsreglna undirnefnda á vefsíðu félagsins. Undirnefndir stjórnar starfa samkvæmt erindisbréfi frá stjórn og í samræmi við starfsreglur stjórnar sem birtar eru á vefsíðu bankans. Þess til viðbótar er greint frá hlutverki þeirra og ábyrgð á vefsíðunni, sem stjórn bankans hefur talið fullnægjandi í þessu skyni.

Helstu þættir innra eftirlits og áhættustýringar

Stjórn bankans hefur eftirlit með framkvæmd stefnu bankans, virkni eftirlits með bókhaldi og fjárreiðum og tryggir stöðuga virkni innri endurskoðunar, regluvörslu og áhættustýringar.

Lykilnefndir framkvæmdastjórnar: framkvæmdastjórn; áhættunefnd; efnahagsnefnd; og fjárfestingarráð bera ábyrgð á framkvæmd áhættustýringar og innra eftirlits í umboði stjórnar. Í krafti þess umboðs gefa nefndirnar út ítarlegar leiðbeiningar um áhættumat og einstök áhættumörk í samræmi við skilgreindan áhættuvilja bankans.

Innri endurskoðunardeild starfar sjálfstætt frá öðrum deildum bankans í samræmi við 16. gr. laga um fjármálafyrirtæki nr. 161/2002. Innri endurskoðun veitir bankanum sjálfstæða, hlutlæga staðfestingu á því hvort ferli bankans varðandi áhættustýringu, innra eftirlit og stjórnarhætti séu fullnægjandi. Innri endurskoðandi er ráðinn af stjórn og er ábyrgur fyrir innri endurskoðun á samstæðugrundvelli.

Bankanum ber, sem fjármálafyrirtæki með heimild til verðbréfavíðskipta og sem útgefandi skráðra fjármálagerninga, að starfrækja regluvörslu. Regluvörður er skipaður af bankastjóra og er skipun hans staðfest af stjórn í samræmi við 130. gr. laga um verðbréfavíðskipti nr. 108/2007. Hlutverk regluvarðar er að fylgjast með og meta, með reglubundnum hætti, ráðstafanir bankans í tengslum við verðbréfavíðskipti og að þær séu ávallt í samræmi við viðeigandi lög. Regluvörður er jafnframt ábyrgur aðili samkvæmt bandarísku FATCA skattalöggjöfni og ábyrgur fyrir því að meta og fylgjast með hvort bankinn starfi í samræmi við lög um aðgerðir gegn peningaþvætti og fjármögnun hryðjuverka nr. 64/2006.

Í samræmi við samþykktir bankans og lög um fjármálafyrirtæki skal kjósa endurskoðunarfélag á aðalfundi bankans til fimm ára í senn. Á aðalfundi bankans 2015 var Ernst & Young ehf. kosið sjálfstætt endurskoðunarfélag bankans til næstu fimm ára.

Frekari upplýsingar um áhættustýringu og innra eftirlit má finna í áhættuskýrslu bankans fyrir árið 2015 (Pillar 3 Report) sem birt er á vefsíðu bankans.

Áfrýjunarnefnd neytendamála staðfesti á árinu 2015 tvær ákvarðanir Neytendastofu frá 2014 þar sem Íslandsbanki var talinn hafa brotið gegn ákvæðum eldri neytendalaga nr. 121/1994 og laga um eftirlit með viðskiptaháttum og markaðssetningu nr. 57/2005. Bankinn var ósammála ákvörðunum áfrýjunarnefndarinnar. Í tengslum við annað málið, sem varðaði verðtryggð lán, hefur Hæstiréttur dæmt í máli sem varðaði sambærilegan ágreining að Íslandsbanki hafi ekki brotið gegn ákvæðum eldri laga um neytendalán frá 1994 og því hefur ákvörðun áfrýjunarnefndarinnar engar afleiðingar. Hitt málið varðaði ágreining um aðferð og skilyrði vaxtabreytinga húsnæðislána en því hefur verið vísað til meðferðar héraðsdóms. Þessu til viðbótar úrskurðaði Persónuvernd að tiltekin uppfletting Ergo-fjármögnunarþjónustu Íslandsbanka í afskriftarlista hafi farið í bága við lög nr. 77/2000 um persónuvernd og meðferð persónuupplýsinga. Frekari upplýsingar um framangreint og önnur dómsmál sem tengjast bankanum má finna í skýringum með ársreikningnum.

Gildi Íslandsbanka, siðferðisviðmið og stefna um samfélagslega ábyrgð

Gildi bankans eru kjarni fyrirtækjamenningarinnar sem mótar hegðun, hugarfar og viðmót starfsmanna bankans. Gildi Íslandsbanka krefjast þess að starfsmenn séu faglegir, stundi öguð vinnubrögð, fari eftir ferlum og fylgi málum eftir til enda – fagleg, jákvæð og framsýn.

Til að viðhalda og styrkja trúverðugleika og orðspor bankans tóku allir starfsmenn þátt í að móta siðareglur bankans sem finna má á vefsíðu hans. Þeim er ætlað að stuðla að góðum starfs- og viðskiptaháttum, auka traust og leiðbeina starfsfólki við dagleg störf.

Bankinn leggur sitt af mörkum til að efla nærumhverfi sitt með því að styðja við fjölbreytt starf á sviði menningar, íþróttar og félagsmála, auk þess að styrkja nýsköpunar- og frumkvöðlaverkefni. Verkefni bankans á sviði samfélagslegrar ábyrgðar eru byggð á stefnu stjórnar sem nær til fimm lykilþátta; viðskipta, menntunar, umhverfis, mannauðs og samfélags. Árlega er gefin út skýrslan Íslandsbanki í samfélaginu – Global Compact og er hún aðgengileg á vef bankans. Undanfarin átta ár hefur bankinn verið aðili að alþjóðlegu samkomulagi Sameinuðu þjóðanna um samfélagslega ábyrgð, UN Global Compact. Sáttmálinn er leiðarvísir að því hvernig fyrirtæki geta sýnt samfélagslega ábyrgð í verki og er hvatning til góðra verka.

Stjórn Íslandsbanka

Í stjórn bankans sitja sjö einstaklingar, og tveir varamenn, sem kosnir eru á hverjum aðalfundi til eins árs í senn. Stjórnarformaður er kosinn af hluthafafundi. Engin takmörk eru fyrir því hve lengi stjórnarmenn mega sitja í stjórn bankans.

Stjórn bankans fer með málefni bankans á milli hluthafafunda nema þegar lög eða samþykktir bankans kveða á um annað. Stjórn ber ábyrgð á því að setja stefnu bankans og felur bankastjóra nánari útfærslu og framkvæmd hennar. Stjórn hefur eftirlit með starfsemi bankans og að gæti þess hún sé ávallt í samræmi við lög, reglur og góða viðskiptahætti. Stjórn skipar bankastjóra og innri endurskoðanda.

Starfsreglur stjórnar eru settar á grundvelli 70. gr. laga nr. 2/1995 um hlutafélög og 54. gr. laga nr. 161/2002 um fjármálafyrirtæki. Gildandi reglur frá 11. nóvember 2015 má finna á vefsíðu bankans. Samkvæmt starfsreglum stjórnar eru fundir stjórnar lögmætir ef fimm stjórnarmenn hið minnsta sækja fund. Stjórnarfundir á árinu 2015 voru 17 talsins og var stjórn ákvörðunarbær á öllum fundum.

Undirnefndir stjórnar eru fjórar og þær starfa samkvæmt erindisbréfi frá stjórn og starfsreglum stjórnar. Nefndirnar eru allar skipaðar stjórnarmönnum:















Endurskoðunarnefnd stjórnar sem skipuð er þremur stjórnarmönnum aðstoðar stjórn við að uppfylla eftirlitsskyldur sínar vegna fjárhagsupplýsinga, innra eftirlits, endurskoðunar og eftirlits með fylgni við lög og reglur ásamt siðareglum bankans. Fundir endurskoðunarnefndar stjórnar á árinu 2015 voru 7 talsins, allir ákvörðunarbærir.

Áhættunefnd stjórnar sem skipuð er þremur stjórnarmönnum ber ábyrgð á að aðstoða stjórnina með því að veita yfirsýn yfir ákvarðanir æðstu stjórnenda sem tengjast áhættu í starfsemi bankans. Þetta tengist meðal annars útlánaáhættu, markaðsáhættu, rekstraráhættu, lausafjáráhættu, lagalegri áhættu og orðsporsáhættu. Fundir áhættunefndar stjórnar á árinu 2015 voru 5 talsins, allir ákvörðunarbærir.

Stefnumótunarnefnd stjórnar sem skipuð er fjórum stjórnarmönnum hefur eftirlit með og samþykkir helstu þætti í stefnu bankans og leggur fram vegvisi varðandi innleiðingu stefnunnar. Nefndin ákveður stefnumarkandi fjárhagsleg markmið bankans og áherslur og fylgist með framgangi þeirra. Fundir stefnumótunarnefndar stjórnar á árinu 2015 voru 5 talsins, allir ákvörðunarbærir.

Nefnd stjórnar um stjórnarhætti, starfskjör og starfsmannamál sem skipuð er fjórum stjórnarmönnum aðstoðar stjórn bankans við að fylgjast með þróun og meta reglulega nálgun bankans í góðum stjórnarháttum og árangur stjórnarmanna. Nefndarfundir stjórnar um stjórnarhætti, starfskjör og starfsmannamál voru 6 talsins á árinu 2015, allir ákvörðunarbærir.

Nefndarskipan undirnefnda stjórnar má sjá í töflu hér að neðan:

	Endurskoðunarnefnd stjórnar	Áhættunefnd stjórnar	Stefnumótunarnefnd stjórnar	Nefnd um stjórnarhætti, starfskjör og starfsmannamál
Friðrik Sophusson				
Marianne Økland				
Árni Tómasson				
Eva Cederbalk				
Gunnar Fjalar Helgason				
Helga Valfells				
Neil Graeme Brown				

 Nefndarmaður  Formaður nefndar

Upplýsingar um stjórnarmenn

Friðrik Sophusson, stjórnarformaður, er fæddur árið 1943 og er íslenskur ríkisborgari. Hann er með embættispróf frá Lagadeild Háskóla Íslands. Friðrik hefur verið stjórnarformaður frá janúar 2010. Hann er jafnframt stjórnarformaður Hlíðarenda ses. og Úlfjótsvatni sf. og varaformaður í stjórn Fondement ehf.

Marianne Økland, varaformaður, er fædd árið 1962 og er norskur ríkisborgari. Hún er með M.Sc. gráðu í fjármálum, hagfræði og stærðfræði frá Norwegian School of Economics and Business Administration. Hún hefur verið stjórnarmaður frá janúar 2010 og hefur verið varaformaður stjórnar frá mars 2015. Hún starfar sem framkvæmdastjóri Avista Partners. Hún situr einnig í stjórn IDFC og Scorpio Tankers Inc.

Árni Tómasson, er fæddur árið 1955 og er íslenskur ríkisborgari. Hann er með Cand. Oecon gráðu í viðskiptafræði frá Háskóla Íslands og er löggiltur endurskoðandi. Hann hefur verið stjórnarmaður frá janúar 2010. Hann rekur eigið ráðgjafafyrirtæki AT ráðgjöf ehf. Hann situr einnig í stjórn Reviva Capital S.A., AT ráðgjöf ehf., Skjaldborg Kröfuhafafélag 10 ehf. og Kaffitár ehf.

Eva Cederbalk, er fædd árið 1952 og er sænskur ríkisborgari. Hún er með M.sc. gráðu í hagræði með áherslu á alþjóðahagfræði og markaðssetningu frá Stockholm School of Economics. Hún hefur verið stjórnarmaður frá mars 2015. Hún er sjálfstætt starfandi ráðgjafi og er eigandi, formaður stjórnar og framkvæmdastjóri Cederbalk Consulting. Hún er jafnframt stjórnarformaður Klarna Holding AB/Klarna AB, Diakrit International Ltd. and TicWorks AB og situr í stjórn Ikano S.A., Stockholms Almöna Brandkontor, KK-Stiftelsen and Investment AB Svolder.

Gunnar Fjalar Helgason, er fæddur árið 1971 og er íslenskur ríkisborgari. Hann er með B.Sc. gráðu í hagfræði frá Háskóla Íslands. Hann hefur verið stjórnarmaður frá September 2015 og var áður varamaður í stjórn bankans frá September 2013. Hann starfar sem yfirmaður stefnumótunar og stjórnunar hjá samstæðu Símans hf. Hann er eigandi og formaður stjórnar Frost Capital ehf. Hann er jafnframt stjórnarformaður Farsímagreiðsla ehf., On-Waves ehf., Radíómiðunar ehf., Sensa ehf., Staki automation ehf. and Talenta ehf. Hann situr einnig í stjórn GO loyalty solutions ehf., GSOB ehf., Hringtorg ehf., HT Mobile ehf., Trackwell hf. og Truenorth ehf.

Helga Valfells, er fædd árið 1964 og er íslenskur ríkisborgari. Hún er með MBA gráðu frá London Business School og B.a. gráðu í ensku og hagfræði frá Harvard University. Hún hefur verið stjórnarmaður frá september 2013. Hún er framkvæmdastjóri Nýsköpunarsjóðs Atvinnulífsins. Hún er meðeigandi og framkvæmdastjóri Árhólma ehf. og meðeigandi og varamaður í stjórn Ugga ehf. Hún er stjórnarformaður Frumtak GP ehf. og situr í stjórn Alþjóðaskólans á Íslandi ehf., AMP ehf., Klak Innovit ehf., Mentor ehf., Transmit ehf., and Vesturgarðs ehf. Hún er jafnframt varamaður í stjórn Akthelia ehf., Azazo hf., FSÍ (Framtakssjóður Ísl)GP hf., Gangverðs ehf., Greencloud ehf., InfoMentor ehf. og Norrænna Mynda ehf.

Neil Graeme Brown, er fæddur árið 1959 og er breskur ríkisborgari. Hann er með M.A. gráðu í klassískum fræðum frá Emmanuel College í Cambridge og er löggiltur endurskoðandi. Hann hefur verið stjórnarmaður frá janúar 2010. Hann er eigandi og stofnandi Subito Partners, ráðgjafarfyrtæki við stjórnir og fjárfestingarfélög í London. Hann er meðeigandi í Lanista Partners Ltd., Distribution Technology Ltd., The Oxford Artesan Distillery og Vox Pop Me ásamt því að vera meðeigandi og stjórnarmaður í Verve Partners Ltd. Hann situr einnig í stjórn Magma Fincorp og NG Energy Ltd.

Varamenn stjórnar eru tveir; **Margrét Kristmannsdóttir**, frá september 2014 og **Jón Eiríksson**, frá janúar 2011.

Allir stjórnarmenn bankans teljast óháðir bankanum og stórum hluthöfum bankans að undanskildum Árna Tómassyni sem telst háður vegna vinnu hans fyrir Glitnir hf. á síðastliðnum þremur árum.

Árangursmat stjórnar

Starfsreglur stjórnar kveða á um skyldu til að stjórn meti störf sín, verklag og starfshætti eigi sjaldnar en árlega. Þessu mati er ætlað að bæta starfshætti og skilvirkni stjórnarinnar. Við árangursmat er lagt mat á styrkleika og veikleika í störfum stjórnar. Árangursmatið byggir m.a. á sjálfsmati hvers stjórnarmanns, mati á hvort starfreglum hafi verið fylgt til hlítar, stöðumati á sérstökum áherslum varðandi áhættustýringu og innra eftirlit ásamt stikkprufum á eftirfylgni mála sem stjórnin hefur afgreitt.

Framkvæmdastjórn

Bankastjóri er ábyrgur fyrir að annast rekstur bankans í samræmi við samþykktu stefnu og fyrirmæli stjórnar. Það er einnig hlutverk bankastjóra að tryggja að starfsemi bankans sé á hverjum tíma í samræmi við samþykktir og viðeigandi lög. Bankastjóri skipar regluvörð bankans, framkvæmdastjóra yfir starfssvið bankans og nefndarmenn í lykilnefndir framkvæmdastjórnar.

Birna Einarsdóttir, bankastjóri, er fædd 1961 og er íslenskur ríkisborgari. Hún er með Cand. Oecon gráðu í viðskiptafræði frá Háskóla Íslands og MBA gráðu frá Háskólanum í Edinborg. Birna hefur starfað hjá Íslandsbanka og forverum hans samtals í yfir 20 ár. Hún hefur jafnframt starfað sem vörustjóri hjá Royal Bank of Scotland og markaðsstjóri Íslenska útvarpsfélagsins og Íslenskrar getspár.

Framkvæmdastjórn, ásamt bankastjóra, stýrir daglegum rekstri bankans í samræmi við stefnu stjórnar. Framkvæmdastjórn bankans samanstendur af níu einstaklingum, að bankastjóra meðtöldum: **Birna Einarsdóttir**, bankastjóri frá október 2008, **Björgvin Ingi Ólafsson**, framkvæmdastjóri viðskipta og þróunar frá september 2014, **Elín Jónsdóttir**, framkvæmdastjóri eignastýringar frá júlí 2014, **Jón Guðni Ómarsson**, framkvæmdastjóri fjármálasviðs frá október 2011, **Sigríður Olgeirsdóttir**, framkvæmdastjóri rekstrar- og upplýsingatæknisviðs frá september 2010, **Sverrir Örn Þorvaldsson**, framkvæmdastjóri áhættustýringar frá nóvember 2010, **Tryggvi Björn Davíðsson**, framkvæmdastjóri markaða frá september 2011, **Una Steinsdóttir**, framkvæmdastjóri viðskiptabanka frá október 2008, og **Vilhelm Már Þorsteinsson**, framkvæmdastjóri fyrirtækjasviðs frá október 2008.

Bankastjóri og lykilnefndir framkvæmdastjórnar bera ábyrgð á framkvæmd áhættustýringar og innra eftirlits í umboði stjórnar. Skipan lykilnefnda framkvæmdastjórnar, er ákveðin af bankastjóra en erindisbréf nefndanna og vinnureglur eru samþykktar af stjórn. Nefndirnar eru:

Framkvæmdastjórn sem er ábyrg fyrir umgjörð bankans um stýringu rekstraráhættu og hefur eftirlit með lagalegri áhættu, orðsporsáhættu, viðskiptaáhættu, stefnumótunaráhættu ásamt umsjón með formlegu vörusamþykktarferli bankans.

Áhættunefnd sem fer með stjórn og eftirlit útlánamála og annarrar mótaðilaáhættu í samræmi við lánastefnu og útlánareglur bankans.

Efnahagsnefnd sem hefur umsjón og eftirlit með öðrum fjárhagslegum áhættum eins og markaðsáhættu, lausafjárháttu og vaxtaáhættu í fjárfestingarbók.

Fjárfestingarráð sem tekur ákvarðanir um kaup eða sölu hluta í fyrirtækjum sem og aðrar tegundir fjárfestinga, t.d. í fjárfestingarsjóðum og fasteignum.

Auk þessa eru þrjú svið sem heyra beint undir bankastjóra; **lögfræðideild, mannauðssvið og regluvarsla.**

Tilhögun samskipta milli hluthafa og stjórnar

Stjórn á samskipti við hluthafa í samræmi við ákvæði viðeigandi laga, samþykka bankans og starfsreglna stjórnarinnar. Stjórnarmenn skulu í störfum sínum og ákvarðanatöku standa vörð um hagsmuni bankans og hluthafa í samræmi við ákvæði laga um hlutafélög nr. 2/1995, laga um fjármálafyrirtæki nr. 161/2002 og annað gildandi regluverk um starfsemi fjármálafyrirtækja.

Bankinn var í lok árs 2015 í meirihlutaeigu Glitnis hf. sem fór með 95% af hlutafé bankans í gegnum dótturfélag sitt, ISB Holding ehf. og 5% voru í eigu íslenska ríkisins, undir stjórn Bankasýslu ríkisins. Í janúar 2016 afsalaði Glitnir hf. öllum eignarhlut sínum til íslenska ríkisins sem hluta af stöðugleikaframlagi kröfuhafa. Hluthafafundir eru meginvettvangur fyrir upplýsingagjöf til hluthafa sem fara með æðsta vald í málefnum bankans. Á milli löglega boðaðra hlutahafafunda sér stjórnarformaður um samskipti við hluthafa fyrir hönd stjórnar.

Hluthafar geta á hverjum tíma tjáð sig um málefni bankans við stjórn og lagt fyrirspurnir til stjórnar til umræðu.

Þessi stjórnarháttayfirlýsing var samþykkt af stjórn Íslandsbanka þann 20. janúar 2016.